

docstoc.com 文出网  
入驻商家 古籍书城 获取更多电子书  
在文川网搜索古籍书城

中國方志叢書·華中地方·第四九六號

據

明·楊寔纂修  
明成化四年刊本

影印

浙江省

# 寧波郡誌

(一)

成文出版社有限公司印行



\*10101920\*

中國方志叢書·華中地方·第四九六號

據

明·楊定纂修  
明成化四年刊本

影印

浙江省

# 寧波郡誌

(二)

成文出版社有限公司印行



\*10101919\*

中華民國七十三年三月第一版

# 寧波郡誌

共二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第243號

docsriver 文川网  
入驻商家 古籍书城

在文川网搜索古籍书城 获取更多电子书

寧波府誌序

寧波古甬東地秦漢屬會稽郡  
唐為明州以境內有四明山故  
名其地濱海枕山臂江人物財  
賦自昔為列郡之冠而官業科  
第於今為尤顯焉歷代所脩及  
儒者所述若誌若記之類雖各

有所明然得此而遺彼或循說  
而泯實無完書以考見一郡事  
物之全至宋尚書王公應麟元  
學士袁公桷相繼纂脩稍為詳  
悉然亦多散亡遺缺而袁之後  
迄今又幾二百年未有續者誠  
政之缺也天順間孝感張公瓚

來守是邦政行民悅百廢具舉  
實切留意於此詢諸郡人知前  
司安成訓揚先生寔學博才贍  
足以任筆削之寄也乃館之於  
公授以前誌俾重加脩輯先生  
斟酌舊典採撫新聞芟繁而取  
要因畧以致詳自沿革至集古

列之為二十攷總之為十卷於  
是郡中事物古今巨細紀載無  
遺一檢閱之頃可盡得之張公  
命工鋟梓及半而有東廣叅藩  
之擢莆田方公逵自廷評來繼  
其職德以愛民而才稱其德尤  
以是誌為當務乃重加校正而



皆成之以余有同年之好書來  
請為序夫夏有禹貢周有職方  
春秋列國各有史官掌記時事  
至秦郡縣天下歷漢晉隋唐以  
來而郡邑多有誌矣然豈易為  
哉蓋文獻不足則採擇不備去  
取不精無以取信於世非為政

得人則信道不薦見義不為不能圖傳於後今寧波之誌前有王表二公作之後有楊先生述之而燦然以明惟張公克勤厥始惟方公克成厥終而確然以傳信所謂文獻足徵而人存政舉也後之人獲覩一郡成書以

資其見聞充其知識又取前脩  
之成憲以為治身守官之法則  
是書於政教豈小補哉故不辭  
而為之序云

成化四年戊子春正月

賜進士出身中憲大夫浙江等處  
提刑按察司副使奉

勅提調學校安成劉鈺書

寧波郡誌目錄

一卷

沿革攷 分野攷 疆域攷 土風攷 城池攷

二卷

山川攷 嶺巖峯洞林墓附山下  
浦渡溪潭泉附川下

三卷

河防攷 湖渠塘池井堰閘堰堤水埭水則附

四卷

閭里攷 鄉村坊巷市鎮亭臺橋梁附

土產攷

祥瑞附

貢賦攷

戶口攷

五卷

兵衛攷

解舍攷

六卷

學校攷

祀典攷

七卷

職官攷

科貢攷

衣冠盛事薦舉附

八卷

人物攷

仕宦儒業忠義孝行隱逸文藝寓客節孝異人  
名僧仙術附

義孝行隱逸文藝寓客節孝異人

九卷

寺觀攷  
卷堂附

十卷

集古攷

寧波郡誌目錄終





寧波郡誌卷之一

鄞後學楊 寔纂備

孝感後學張 璿校正

莆田後學方 適校正

沿革攷

明堂社稷田制詩書所紀與周官殊周官太平書也周公嘗行之周祀曆八百未嘗有所改也  
隸秦至宋率數十年輒易矣郡縣城邑廢徙無常陵谷變易然也兼之以人事其理若是作沿

革攷

周禮職方氏載揚州之鎮山曰會稽昔夏后禹東巡狩會諸侯於江南上苗山大會計更名苗山曰會稽禹崩而葬

docsriver 文川网  
入驻商家 古籍书城

在文川网搜索古籍书城 获取更多电子书

焉。○少康封其庶子無餘為諸侯以奉祭祀。是為越國。是

時鄞、鄞、句章為越東境之邑采。○周敬王四十六年，句踐

無餘之後，為吳所滅，尋復封之。地廣百里，東至于鄞。今奉化既

返國，嘗膽勵士卒，遂滅吳，欲置吳王角東君百家。今昌國

秦平越，始皇二十五年，以吳越地為會稽郡，治吳。漢地志

會稽今屬明者曰：句章曰鄞，則鄞立縣，繇秦來久矣。

陸雲言秦始皇留漢景帝四年，吳王濞反，誅復為郡，治於

吳。○武帝元鼎五年，除東越。除東越一本因以其地為治

并屬於此，而立東部都尉。後徙章安。今在奉○成帝陽朔

元年又徙治鄞或有寇害復徙句章後漢晉宋齊梁皆因之惟王莽嘗改鄞為莖○隋文帝開皇九年平陳併餘姚

鄞鄞三縣入句章縣吳州後改越州仍縣焉

餘姚隋志有餘姚縣與地

廣記於餘姚縣下註云隋平陳省入句章唐志於餘姚下註云析故句章縣置以縣置姚州則隋志之所謂餘姚即

餘姚也是隋句章一邑之地既割餘姚縣越州又為明州之全境也鄞以莖得名加邑為鄞地志有赤莖山乾道旧

志在東四十里○鄞易也亦加邑焉輿地志曰○唐高祖邑人以其海中物產於山下鄞易曰名鄞縣

武德四年析句章置姚州鄞州七年廢姚州入餘姚八年

廢鄞州為鄞縣並縣越州○明皇開元二十六年採訪使

齊澣奏以鄞縣為明州以其境內山四明為名是年又析

鄆地別置奉化慈谿翁山與鄆為四縣而總隸明州天寶

初改為餘姚郡○肅宗至德二年復為明州○代宗廣德

二年益以象山縣大曆六年海寇袁晁反據翁山鄆二縣

久不克復遂移治鄆即武德四年所置鄆州今寧波府是也○鄆縣舊治在阿育玉山西鄆山

之東城郭遺址猶存鄆東取鄆總三十里自鄆州廢為鄆縣在今府治非古鄆治矣是年廢翁山○

穆宗長慶元年刺史韓察欲移州城以白浙東觀察使薛

戎上言明州北臨鄆江地形卑隘請移明州置於鄆縣而

以州舊城近南高處置縣從之見唐會要及移城記○憲宗元和四

年又從薛戎言省翁山海墻舊制望海鎮不隸明州○昭

宗乾寧二年錢鏐為鎮東軍節度使置望海軍又更望海鎮曰靜海鎮置望海縣○五代梁開平三年改縣為定海縣鄞縣亦改為鄞○漢乾祐二年錢俶命其弟億判明州宗太祖建隆元年陞為奉國軍授億為節度使開寶八年又命俶子惟治領之○太宗太平興國二年吳越王納土改授惟治鎮國軍節度使自是始用文臣為知州熙寧六年析鄞東之海中洲富都等三鄉立昌國縣而明之屬縣凡六矣在唐為上郡○徽宗大觀元年始陞為望○高宗駐蹕吳會明婺俱為要郡而明州控扼海道紹興三年置

沿海制置使以鎮之○寧宗在藩邸領明州觀察使即位  
改元慶元陸州為府曰以名之○元世祖改為慶元路罷  
制置使立浙東宣慰使司于紹興後徙處復徙婺景炎二  
年為元之至元十五年以昌國陸州在城置錄事司至元  
十六年以正使趙孟傅副使劉良分治于慶元尋併于婺  
○成宗元貞元年奉化縣以戶口及額陞為下州大德七  
年島夷麗雜宜用重臣鎮服海口遂立浙東都元帥府曰  
府治為之○順帝至正八年黃岩方谷珍作亂元不能制  
歲丁未

大明軍臨城谷珍遁避入海全城歸附洪武元年谷珍入朝改慶元路為明州府罷在城錄事司入鄞縣又立明州衛指揮使司以鎮之二年以昌國奉化二州復為縣十四年又改明州府為寧波府衛為寧波衛二十年以昌國縣懸居海島徙其民於內地以避海寇遂墟其地今領縣凡五曰鄞曰慈谿曰奉化曰定海曰象山屬浙江布政使司

辨證

尚書王應麟

唐武德元年改郡為州太守為刺史權置州郡頗多太宗命省分為十道開元二十一年分為十五道天寶元年以州為郡刺史為太守至德二載復以郡為州太守復為刺史按開元始置明州則曰明州刺史天寶以州為郡則曰餘姚郡太守志云置州之時



名郡曰奉化以備封爵一州豈有兩郡名哉圖經開元謂開元郡名奉化天寶元年改為餘姚郡未詳所據元豐九域志始曰奉化郡未知何時改

右辨州郡

唐志明州餘姚郡以境有四明山為名山海經瞿父山又東四百里曰句餘之山郭璞注山在餘姚南句章北二縣目以名州曰明郡曰餘姚皆本於句餘山虞氏餘姚人九域志晉虞喜陳虞荔墳在慈谿鳴鶴

山右辨餘姚郡

鄞縣東有鄞郭古鄞縣城也漢地理志會稽郡鄞縣姓苑有鄞氏蓋以邑為氏五代改鄞曰鄞圖經云唐有鄞縣非也地理志無鄞陸雲集秦始皇南巡登稽嶽在鄞縣三十餘日圖經云後漢改鄞為鄞山之陰既而復為鄞非也西漢已有鄞

右辨鄞

越語句踐之地東至于鄞韋昭注今鄞縣是也後漢書注鄞故城在鄞縣東南圖經曰白杜里有鄞城山漢志鄞有結崎亭今在奉化有金門山今象山之東

門山然則奉化象山二縣漢之鄞也鄞城山其古鄞城欵今鄞縣有鄞塘鄉接奉化蓋鄞之境曰然黃公鄞大里人世說注孫承公山好山水求鄞野遺心細務縱意游肆名阜勝丘靡不歷覽

右辨鄞

句章九域志云曰山為名也國策有句章昧蓋以邑為氏漢伐東粵遣橫海將軍韓說出句章浮海從東方徃史記正義句章故城在鄞縣西一百里此張守節以開元之鄭言之元和郡志句章故城在今州西一里此李吉甫以元和之明州言之後漢注與史記正義同圖經古句章城在鄞縣南六十里此今之地也虞翻傳注句章董黯則慈谿乃漢句章之地晉劉牢之東屯上虞使劉裕戍句章今鄞縣有句章鄉蓋自此鄉及慈谿皆句章境古句章城在小溪鎮

左辨句章

左傳越滅吳請使吳王居甬東注句章縣東海中洲也吳語云甬句章東注今句章東海外洲也越語注云甬甬江句章晉孫恩寇浹口入餘姚破上虞通典

云越徙去差於甬東常昭曰甬章東決口外洲  
州東北到大海決口七十里今按甬東決口即定海  
縣之淡港輿地廣記定海有大淡江今以城東為甬  
東誤矣淡口外洲即翁洲也郡志有甬東為昌國蓋  
本於元和郡縣志昌國乃唐之翁山縣乃熙寧六年  
析鄞縣置豈亦向章地歟  
右辨甬東

### 鄞縣

鄞得名以縣境有赤堇山故加邑為鄞

大明以郡城內外皆隸焉今所屬十三鄉為都隅五十八  
并湖田五隅通六十有三處

### 慈谿縣

慈谿由漢孝子董黯之毋嗜句章南溪水築室溪傍汲水為養遂名慈谿曰以名縣縣去郡治五十里唐貞元中為上縣置二十一鄉宋併為五分三十都亦為上縣大明以五鄉為十三區而三十都以其舊焉

### 奉化縣

奉化縣地理志顏師古註云鄞鎮守鮎崎亭隋併鄞入句章置鄞州尋廢為鄞縣唐開元二十六年析鄞縣地置奉化縣而鎮亭鮎崎亭屬焉元元貞元年陞為州

大明洪武二年復改為縣縣去郡治八十里以八鄉為十

四區屬都五十二

定海縣

定海縣舊名望海鎮唐末改曰靖海鎮梁開平間始改為定海縣

大明以昌國懸居海島徙其民惟存在城五百餘戶附本縣縣去郡治六十二里以七鄉為十三區屬都二十有三

象山縣

象山以其地有山壯負雄壓海垠前後瞻望屹如象形縣築於其山之東麓彭堯村曰以名之去郡治二百七十一

里唐貞元中定為中縣列五鄉五代不改宋降為下縣景  
德二年併為三鄉元為下縣

大明以三鄉為三區屬都二十有四

### 分野攷

在天成象在地成形無非剛柔兩者而已古之  
步占者分天為十二次舍區畫者裂土為十二  
州以星土別州域而分星不能無妖祥作分野  
攷

周禮保章氏以星土辨九州之分野以視吉凶吳越分屬

星紀鄭氏註曰星紀謂吳越地也春秋元命包曰牽牛流為揚州分為

越國○春秋左傳昭公三十二年夏吳伐越史墨曰不及

docsriver 文川网  
入驻商家 古籍书城

在文川网搜索古籍书城 获取更多电子书

四十年越其有吳乎越得歲而吳伐之必受其凶是越之  
與吳又自有異分也○前漢地理志謂吳斗分野粵地牽  
牛婺女之分野○後漢志曰自斗十一度至婺女七度星  
紀之次於辰為丑吳越分野又云自斗六度至須女四度  
謂之星紀之次越之分野永嘉中歲星熒惑太白聚牛女  
之間識者以為吳越之分其後孫策孫權實有江左○晉  
天文志曰自南斗十二度至須女七度為星紀之次於辰  
為丑吳越分屬揚州又曰會稽入牛一度太元間符堅將  
入寇石越對曰今歲在吳分天道不順已而堅果敗去○



陳後主將凶有星孛於牽牛○按前後諸說吳越星次度數互有不問惟吳虞翻有言會稽上應牽牛之宿下當少陽之位為得之今本府實會稽之東部其應牽牛之宿歟

### 疆域攷

昔神禹分別九州行所無事也故天文地理區畫各定在州上必有名山大川為之限隔斯疆宇可徵而道里可計矣作疆域攷

東抵翁洲 南望華頂 西接會稽 北距瀚海

廣東  
西距

二百二十四里

長  
北距

二百八里